



## Wënd Tën-tuomã (Wënd puusg la A tılgr be a yĩnga) sagla tǝnd ne yel a yopoe, la a gıdg tǝnd tı d bas yel a yopoe

Yii a Al-baraa'a [bn 'Aazıb nengě, (Wënd yard be a yĩnga) a yeelame: Wënd Tën-tuomã (Wënd puusg la A tılgr be a yĩnga) sagla tǝnd ne yel a yopoe, la a gıdg tǝnd tı d bas yel a yopoe: a sagla tǝnd tı d kaag bǎadǎ, la d tũ kũ-rǎmba, la d loek tĩsda, la d maneg wēenego, maa sēn na n wēen ne bũmb ningǎ, la d sǝng b sēn wēg a soaba, la d sak boaanda, la d sēeg sallem puusgo, la a gıdg tǝnd tı d ra wa ning sǎnem nug-biis ye, la d ra yũ wanzur ko-tǝeg pugě ye, la d ra zomb harur gǎdg zug ye, la harur fu-gětse, la [stabrak (harur fu-tagdo), la dubaag (harur fu-neebe).

[Naşun Şahuhun (Gom-sikdem sēn manege)] [B zemsa taab a zugu (A Al-Buḥaariy la a Muslim n reeg-a)]

Nabiyaamã (Wënd puusg la A tılgr be a yĩnga) sagla lıslaambǎ yel a yopoe, la a gıdg-b n yi yel a yopoe, t'a sēn sagl-b ne yel ninsǎ: A rēenem soabǎ: bǎad kaagre. La a yiib soabǎ: kũ-rǎmb pugbo, la lagem n puuse, la b mumbu, la kos doaag n kǝ-ba. La a tǎab soabǎ: yaa doaag ne ned ning sēn tĩsa la a pēg Wēnde, tı b yeel-a: Yarhamuka Allaah (Wënd na yols-fo). La a naas soabǎ: yaa wēeneg manegr la a sıdgre, rat n na n yeel t'a sǎ n wēen t'a na n maana yelle, la f tǝe n maane, bı f maan-a, sēn na yul n ra wa maan wēenegǎ kaffaara ye. La a nu soabǎ: yaa b sēn wēg a soab sǝngre, n teel a sēega la tus bũmb ningǎ sēn yaa wēgdǎ n bas-a, pǎng tǝog tǝka. La a yoob soabǎ: yaa sēn boonda n tug waliimǎ sakre, wala pug-paal waliima, maa zulukri la zēng sēn ka b yiibǎ. La a yopoe soabǎ: yaa b sēeg sallemǎ ningri la a leokre. La yel nins a sēn gıdg-b n yi-ba: A rēenem soabǎ: yaa sǎnem nug-biig ningri, la nagd ne-a. La a yiib soabǎ: yaa yũub ne wanzur ko-teese. La a tǎab soabǎ: yaa "Mayaatır" gǎar zug zĩndgu: yē me yaa bǝn-tutı sēn rogend wed-moosǎ maa yugmǎ wǎ poya, la yaa harur la b maan ne-a. La a naas soabǎ: yaa yeelg fuug ning sēn maan ne peend sēn gēdg ne harure, la b boonda yē tı (Al-kassiy). La a nu soabǎ: Harur yeelgre. La a yoob soabǎ: yaa [stabrak yeelgre, yēnda me la harurǎ fu-tagdo. La a yopoe soabǎ: yaa dubaag yeelgo, la yēnda me la harurǎ kǝbg sēn tug n yaa sǝma n yılda la a yaa toog n yılda.

النجاة الخيرية  
ALNAJAT CHARITY

